



大唐六典尚書兵部卷第



御撰

集賢院學士兵部尚書兼中書令修國史

上柱國開國公 臣李林甫等奉 敕注上

兵部尚書一人

侍郎二人

郎中二人

員外郎三人

旧唐志作二人

主事四人

令史三十七人

旧唐志作三十人

書令史六十人

制書令史十三人

甲庫令史十二人

亭長八人

掌固十二人

職方郎中一人

員外郎一人

主事二人

令史四人

書令史九人

掌固四人

駕部郎中一人

員外郎一人

主事三人

令史十人

書令史二十四人

旧唐志作二十人

掌固四人

庫部郎中一人

員外郎一人

主事二人

令史七人

書令史十五人

掌固四人

兵部尚書一人正三品

周官夏官卿也漢置五曹未有主兵之任也

魏始置五兵尚書謂中兵外兵騎兵別兵都

兵也晉太始中省五兵尚書太康中又置七

兵尚書以舊五兵尚書中兵外兵分為左右

東晉及宋又為五兵考武大明二年又省之

順帝昇明元年又置歷齊梁陳後魏北齊皆

置五兵尚書後周依周官置大司馬卿一人  
隋改為兵部尚書皇朝因之龍朔元年改為  
司戎太常伯咸亨元年復為兵部尚書光宅  
元年改為夏官尚書神龍元年復故  
侍郎二人正四品下

周官夏官小司馬中大夫也漢以來尚書侍  
郎今郎中之任也後周依周官隋煬帝置兵  
部侍郎皇朝因之龍朔二年改為司戎少常

伯咸亨元年復為兵部侍郎總章元年增置  
一員光宅神龍並隨曹改復

兵部尚書侍郎之職掌天下軍衛武官選授之  
政令凡軍師卒戍之籍山川要害之圖廩牧甲  
仗之數悉以咨之其屬有四一曰兵部二曰職  
方三曰駕部四曰庫部尚書侍郎惣其職務而  
奉行其制命凡中外百司之事由於所屬咸質  
正焉凡選授之制每歲孟冬以三旬會其人去

王城五百里集於上旬千里之內集於中甸千里之外集於下旬以三銓領其事一曰尚書銓二曰東銓三曰西銓

尚書為中銓兩侍郎分為東西銓  
以五等閱其人一曰長槩二曰馬射三曰馬槍四曰步射五曰應對以三奇拔其選一曰驍勇二曰材藝三曰可為統領之用其尤異者登而任之否則量以退焉然後據其狀以覈之考其

能以進之所以錄深功拔奇藝備軍國綜勲賢也五品已上皆奏聞而制授焉六品已下則量資注擬其在軍鎮要籍不得赴選委節度使銓試具等第以申焉其三奇五等之選有殊尤者得令宿衛

其宿衛皆帶本官以充

其選人有自文資入者取少壯六尺已上材藝超絕考試不堪還送吏部凡官階注擬團甲進

甲皆如吏部之制凡大選終於季春之月所以  
審名實之銓綜備戎仗之物數以戒軍令而振  
國容焉

郎中二人從五品上

周官大司馬屬官有軍司馬下大夫蓋郎中  
之任也魏有五兵郎曹皆置郎中晉有七兵  
皆置郎中宋有中兵外兵騎兵元嘉已後省  
騎兵齊因之梁陳有左兵中當作左右中兵

左外兵右外兵騎兵郎曹皆置侍郎亦郎中  
任也後魏北齊有左中兵右中兵左外兵右  
外兵都兵郎曹並置郎中後周依周官隋初  
始置兵部郎曹置侍郎一人煬帝除侍字又  
改為兵曹郎武德初依隋三年改為兵部郎  
中龍朔二年改為司戎大夫咸亨光宅神龍  
並隨曹改復  
員外郎二人從六品上

周官大司馬屬官官下疑輿司馬上士後周

依焉蓋員外之任也隋開皇六年置兵部員

外郎煬帝改為兵曹承務郎皇朝改為兵部

員外郎龍朔二年改為司戎員外郎咸亨光

宅神龍並隨曹改復

主事四人從八品下

隋煬帝初置為從九品下開元二十四年敕

改為八品

郎中一人掌考武官之勲祿品命以二十有九

階承而叙焉太平御覽引六典曰兵部郎中一

府之名數旧從一品曰驃騎大將軍唐志亦同

漢有驃騎將軍霍去病後漢有東平王蒼魏

有王景晉有紀瞻王駿按晉書當作並為之

齊職儀云驃騎品秩第二金章紫綬武冠絳

朝服佩水蒼玉梁官品令雜號將軍一百二

十五分為二十四班班多者為貴驃騎班第



二十四陳品第一秩中二千石後魏職品令  
第二後周驃騎大將軍九命隋官品令驃騎  
正四品皇朝定令為武散官從一品

正二品曰輔國大將軍

魏甲辰令晉官品令梁官品令輔國將軍並  
第三品後魏從第三品後周七命隋從六品  
下皇朝改為

從二品曰鎮軍大將軍

魏志曰文帝以陳群為鎮軍大將軍秩二千  
石晉公卿秩云楊駿胡奮並領鎮軍將軍齊  
職儀云品第三後周八命隋並按隋志並六  
當作正  
品下皇朝改為

正三品曰冠軍大將軍

史記曰楚義帝以宋義為卿子冠軍漢武帝  
以霍去病功冠三軍封冠軍侯其名起於此  
也魏以文欽為冠軍將軍齊職儀云品秩第

三晉令云金章紫綬給五時服武冠佩水蒼玉梁令第三品陳品第四秩中二千石隋令正六品下皇朝改焉

懷化大將軍

皇朝所置以授蕃官

從三品曰雲麾將軍

梁班第十八陳品第四秩中二千石

歸德將軍

皇朝所置以授蕃官

正四品上曰忠武將軍

梁班第十九陳品第四秩中二千石

正四品下曰壯武將軍

梁大通三年又置二百四十二隋志作二百四十號

將軍為四十四班壯武班第十六陳品第六

秩二千石

從四品上曰宣威將軍

皇朝所置按後魏志有宣威將軍

從四品下曰明威將軍

梁班第十二後魏職品令正六品上

正五品上曰定遠將軍

梁班第十二也按隋志也當作凡諸將軍亦為二十

四班止施於外國定遠班第十二

正五品下曰寧遠將軍

梁官品令寧遠將軍正五品梁當作晉正當作第

從五品上曰游騎將軍

魏甲辰令游騎將軍第四品陳秩二千石

從五品下曰游擊將軍

漢書曰武帝以獮建韓說為游擊將軍後漢

記記當作紀云光武以鄧晨為游擊將軍晉官品

令游擊將軍四品陳秩二千石

正六品上曰昭武校尉下曰昭武副尉從六品

上曰振威校尉下曰振威副尉正七品上曰致

果校尉下曰致果副尉從七品上曰翊麾校尉  
 下曰翊麾副尉正八品上曰宣節校尉下曰宣  
 節副尉從八品上曰禦武校尉下曰禦武副尉  
 正九品上曰仁勇校尉下曰仁勇副尉從九品  
 上曰陪戎校尉下曰陪戎副尉武並當作侮  
 漢書百官表校尉皆二千石武帝置隋朝改  
 為散官皇朝因之  
 凡懷化歸德將軍量配於諸衛上下其餘並兵

部定其番第

五百里內七番一千里內八番二千里內十  
 番二千里外十二番並一月上四品已下九  
 品已上於兵部上下五百里內四番一千里  
 內五番二千里內六番二千五百里里下脫  
 七番三千里內八番各一季上三千里外免  
 番隨須追集也

番滿者六品已下並聽預簡選量其才能或留

本司或送吏部五品已上者則奏聞凡叙階之法一如文散官之制凡天下之府五百九十有四有上中下並載於諸衛之職凡應宿衛官各從番第諸衛將軍中郎將郎將及諸衛率副率千牛備身備身左右太子千牛并長上折衝果毅應宿衛者並一日上兩日下諸色長上若司階中候司戈執戟並五日上十日下諸應外職掌押當及分司者則年支焉若左右羽林將軍

每夜各一人更直中郎將郎將亦如之長人長上每日上隨仗下

長人取六尺六寸已上厚濶者四十人分左右監門衛備四考依出身例授武散官依旧長上

蕃人任武官者並免入宿任三衛者配玄武門上上疑當一日上兩日下配南衛者長番每年一月上凡千牛備身備身左右及太子千牛皆

取三品已上職事官子孫四品清官子儀容端正  
 武藝可稱者充五考本司隨文武簡試聽選  
 加階應入武品折其一考四品謂諸司侍郎  
 左右庶子

凡殿中者進馬取左右衛三衛三衛下曰唐志有及字高

蔭簡儀容可觀者補充分為三番上下考第簡

試同千牛例僕寺進馬亦如之凡勲官十有二

等人受直中尚書外亦受身入身

其並載於司勲之職

皆量其遠邇以定其番第

五百里內五番一千里內七番一千五百里

內八番二千里內十番二千里外十二番各

一月上每上或分配諸司上州及都督府番

半別各聽留六十人中州四十五人下州三十

五人今配監當城門倉庫亦量於數內通融

配給當州人少者任取五十已上五十九已

下及輕疾丁充並五番上皆一月

五品已上四年舊唐志已上作已下無四年二字七品已上五

年多至八年年滿簡送吏部不第者如初無文

聽以武選凡左右衛親衛勳衛翊衛及左右率

府親勳翊衛及諸衛之翊衛通謂之三衛擇其

資蔭高者為親衛

取三品已上子二品已上孫為之

其次者為勳衛及率府之親衛

四品子三品孫二品已上之曾孫為之

又次者為翊衛及率府之勳衛

四品孫職事五品子孫三品曾孫若勳官三

品有封者及國公之子為之

又次者為諸衛及率府之翊衛

五品已上并柱國若有封爵兼帶職事官為

之官下疑應有子孫或曾孫文字

又次者二字闕府批舊唐志闕當填以為親王三字府下脫之字執仗執

乘

散官五品已上子孫為之

凡三衛皆限年二十一已上每歲十一月已後本州申兵部團甲進甲盡三月畢

其入衛雜配並注甲長定不得移改

量遠邇以定其番第

五百里內五番一千里內七番一千里外八番各一月上三千里外九番各倍其月

應捕

捕當作補

之人周親已上有犯刑戮者配令兵

部上下凡諸衛及率府三衛貫京北河南蒲同

華岐陝懷汝鄭等州皆令番上餘州

關

樞舊唐志當填

皆以納資而已

應納資者每年九月一日於本貫及寄住處輸納本貫挾名錄申兵部

凡

關當填以左

右衛之三衛分為五仗一曰親仗二

曰供奉仗三曰勳仗四曰翊仗五曰散手仗每



月各配三十六人而上下為其五仗上下及引  
駕細引考以五左左下左當衛之他職掌及左  
右率府之勳衛考以六

左右率府之三衛帖五仗上下者亦五考

諸衛及率府之翊衛考以八考滿兵部校試有  
文堪時務則送吏部無文則加其年階以本色  
遷授若有才用考內得補主帥及監門校尉直

**關**恐當填凡左右衛左右率府三衛經三考已

上者得補引駕細引考滿簡試如三衛

三衛違番者徵資一千五百文仍勒陪番有

故者免徵資三番不到注里里恐當毀奪告

身有故者不陪番

凡王公已下皆有親事帳內

六品七品子為親事八品九品子為帳內

限年十八已上旧唐志舉諸州率萬人已上旧唐

志已作以克之無上字

親王嗣王郡王開府儀同三司及三品已上官帶勳者差以給之並本貫納其資課皆從金部給付

皆限十周年則聽其簡試文理高者送吏部其餘留大大當司全下者退還本色凡兵士隸衛各有其名左右衛曰驍騎左右驍衛曰豹騎左右武衛曰熊渠左右威衛曰羽林左右領軍衛曰豹騎豹騎曰唐志作射声左右金吾衛曰依依當飛東

宮左右衛率府曰射乘射乘曰唐志作超乘左右司禦率

府曰旅賁左右清道率府曰直盪總名為衛士

皆取六品已下子孫及白丁無職役者點死

當作凡三年一簡點成丁而入六十而免量其

遠邇以定番第

百里內內恐當作外 五番五百里外七番一千里

外八番各一月上二千里外九番倍其月上

若征行之鎮守者免番而遣之

凡衛士各立名簿具三年已來征防若差遣仍

定優劣為三等每年正月十日送本府印訖唐

志訖仍錄一通送本衛本衛下旧唐若有差行

上番折衝府據簿而發旧唐志之

若征行及使經兩番已上者免兩番兩番已

上者並二番兩番至二番其不免番還日即

當番者免上番

凡差衛上上當征戍鎮防亦有團伍其善弓馬

者為越騎團餘為步兵團主帥已下統領之火

十人有六馱馬

若無馬鄉任備驢騾及牛

若父兄子弟不併遣之若祖父母父母老疾旧唐

志疾下無兼丁免征行及番上其居常則皆習

射唱大角歌番集之日府官率而課試凡左右

金吾衛有角手諸衛有弩手左右羽林軍有飛

騎及左右萬騎曠騎天下諸軍有健兒

舊健兒在軍皆有年限更來往頗為勞弊開元二十五年敕以為天下無虞宜與人休息自今已後諸軍鎮量閑劇利害置兵防健兒於諸色征行人內及客戶中召募取丁壯情願克徤兒長住邊軍者每年加常例給賜兼給永年優復其家口情願同去者聽至軍州各給田地屋宅人賴其利中外獲安是後州郡之間永無徵發之役矣

皆定其籍之多少與其番之上下其所取人並具於本衛

每季上中書門下凡關內團結兵京兆府六千三百二十七人同州六千七百三十六人華州五千二百二十三人蒲州二千七百三十五人選丁戶殷贍身材強壯者充之免其征賦仍許在家常習弓矢每年差使依時就試秦成岷渭河蘭六州有高麗羗兵

皆令當州上佐一人專知統押每年兩度教  
練使知郎伍批曰唐志郎當作部如有警急即令赴援  
諸州城傍子弟亦常令教習每年秋集本軍  
春則放散

黎雅押作押當翼茂五州有鎮防團結兵

並領刺史領疑當自押領若須防遏即以上

佐及武官充

凡天下諸州差兵募取戶殷丁多人材驍勇選

前資官勳官部分強明堪統攝者節級權舊唐志

作擢補主帥以領之其義征者別為行伍不入募

人之營凡軍行器物皆於當州分給之如不足

則舊唐志則自備貧富必以均焉凡諸州諸府

批曰唐志應行兵馬舊唐志無馬字之名簿器物之多

少皆申兵部軍散之日亦錄其存亡多少以申

而勘會之凡諸道迴兵糧糒之物衣資之費皆

舊唐志皆所在州縣分而給之

郎中一人掌判簿以總軍戎差遣之名數凡天下之節度使有八其一曰關內朔方節度使其統有單于安北東受降城中受降城西受降城豐安軍定遠城皆屬焉其二曰河東節度使其統有大同橫野岢嵐三軍雲州按舊唐志州當作中守捉使屬焉其三曰河北幽州節度使其統有經畧平盧靜塞威武清夷橫海高陽唐興恒陽北平十軍安東鎮守渝關守捉北平守捉三使屬焉

其四曰河西節度使其統有赤水大斗建康玉門墨離豆盧六軍新泉守捉甘州守捉肅州鎮守三使屬焉其五曰隴右節度使其統有臨洮河源白水安人積石莫門振武舊唐志武作威七軍平夷五門富耳藍州平戎綏和五守捉使皆屬焉其六曰劍南節度使其統有昆明軍松州當州防禦邛崃守捉姚州經畧四使屬焉其七曰磧西節度使其統有安西疎勒于闐焉耆為四

鎮經略使又有伊吾瀚海二軍西州鎮守使屬  
焉其八曰嶺南節度使其統有廣桂邕容安南  
等五府經畧使若諸州在節度內者皆受節度  
焉其福州經畧使登州平海軍則不在節度之  
內凡親王總戎則曰元帥文武官總統者則曰  
總管以奉使言之則曰節度使有大使焉有副  
大使焉有副使焉有判官焉若大使加旌節以  
統軍置木契以行動凡將帥出征舊唐志兵滿  
征作行

一萬人已上置長史司馬倉曹胄曹兵曹參軍  
各一人五千人已上減司馬諸軍各置使一人  
五千人已上置副使一人萬人舊唐志萬已上  
上有一字置營田副使一人每軍皆有倉曹兵曹胄曹參  
軍各一人

赤水臨洮河源等軍加胄曹參軍一人朔方  
五城各加胄曹參軍一人

其橫海高陽唐興恒陽北平等五軍皆本州刺

史為使

其兵各一萬人十月已後募分為三番教習  
五千人置總管一人以折衝充一千人置子  
將一人以果毅充五百人置押官一人  
人下恐脫  
以別將及鎮戎官充

凡鎮皆有使一人副使一人萬人已上置司馬  
倉曹兵曹參軍各一人五千人已下  
下疑上字減司  
馬凡諸軍鎮每五百人置押官一人一千人置

子總管一人五千人置總管一人凡諸軍鎮使

副使已上皆四年一替總管已上  
舊唐志上作下六年

舊唐志六作二一替押官隨兵交替

副使總管取折衝已上官充子將已上取果  
毅已上充

凡諸軍鎮大使副使已上  
按舊唐志上當作下皆有僕人

別奏以為之使大使三品已上僕二十五人別  
奏十人



四品五品僊遞減五人別奏遞減二人

副使三品已上僊二十人別奏八人十五人

四品五品僊遞減四人別奏遞減二人

總管三品已上僊十八人別奏六人

四品五品僊遞減三人別奏遞減二人

子總管四品已上僊十一人別奏三人

五品六品僊遞減二人別奏遞減一人

若討擊防禦遊奕使副使僊准品各減三人別

奏各減二人總管及子總管僊准品各減二人

別奏各減一人若鎮守已下無副使或隸屬大

軍鎮者使已下僊奏並四分減一所補僊奏皆

令自召以充

若府鎮戍正員官及飛騎三衛衛士邊州白

丁皆不在取限

凡車駕在京即東都南北衙皆置左右屯營別

立使以充克當之若車駕在都則京城亦如之

北都准此

凡大將出征皆告廟授斧鉞辭齊太公廟辭訖不及宿於家臨軍對寇士卒不用命並得專行其罰既捷及軍未散皆會衆而書勞與其費用執俘折馘之數皆露布以聞乃告太廟元帥凱旋之日天子遣使郊勞有司先獻捷於太廟又告齊太公廟

諸軍將若須入朝奏事則先狀奏聞

員外郎一人掌貢舉及諸雜請之事凡應舉之人有謀畧

謂閑兵法

才藝

謂有勇技

平射

謂善能令矢發平直十發五中五居其次為上第三中七居其次為下第

筒射

謂善及遠而中十發四中六居其次為上第

三中七居其次為下第不及此者為不第

皆待命以舉非有常也若州府歲貢皆孟冬唐

志冬隨朝集使以至省勘責文狀而引試焉亦

與計科舊唐志無科字偕有二科一曰平射

試射長塼三十發不出第三院為第

二曰武舉其試用有七一曰射長塼

入中院為上入次院為次上入外院為次院字

義未詳續日本紀及延喜式大射條下有外院中院內院之目蓋其稱與此同而他書未

見稱院者

二曰騎射

發而並中為上或中或不中為次上總不中

為次

三曰馬槍

三板 文板 通鑑注引六典 同 四板 為上二板 為次

上一枚及通鑑注及作反不中為次

四曰步射射草人

中者為次上雖中而不法雖法而不中者為次

五曰材貌

以身長六尺已上者為次上已下為次

六曰言語

有神彩堪充充恐當作統領者為次上無者為次

七曰舉重

謂翹關率以五次為上第通鑑注作以五次上為第

皆試其高第者以奏聞其科第之優劣

謂平射筒射之上第者前資見任見選聽減

一次上與官勲散衛官五品已上官子孫帖

仗二年而選次第者其應選則據資優直直當

與處分應帖仗則三年而選庶人之上第六

帖仗其年比次第庶人次第又加二年武貢

之第者勳官五品已上并三衛執仗乘若品  
 子年考已滿者並放選勳官六品已上并應  
 宿衛人及品子五考已上者並授散官謂軍  
 士戰官謂已下五余並帖仗然後授散官  
 勳獲之等級

謂軍士戰功之等級若守城若戰若恐當第  
 一等酬勳三轉第二第三等差減一轉凡破  
 城陣以少擊多為上陣數畧相當為中陣以

多擊少為下陣轉倍以上為多少常據賊數  
 以十分率之殺獲四十分已上為上獲二十分已  
 上為中獲一十分已上為下獲凡上陣上獲第  
 一等酬勳五轉上陣中獲中陣上獲第一等  
 酬勳四轉上陣下獲中陣中獲下陣上獲第  
 一等酬勳三轉其第二第三等各逾降一轉  
 中限限恐當下獲下陣中獲第一等酬勳兩  
 轉第二第三等并下陣下獲各酬勳一轉其

雖破城陣殺獲不成分者三等陣各酬勲一

轉其跳盪功不在降限

降字當在功字上

凡臨陣對

寇矢石未交先鋒挺入賊徒因而破者為跳

盪其次先鋒為

為當作受

降者為降功凡酬功者

見任前資常選為上資文武散官衛官勲官

五品已上為次資五品子孫上柱國柱國子

勲官六品已下諸色有番考人為下資白丁

衛士雜色人為無資凡跳盪人上資加兩階

即優與處分應入三品五品不限官考次資

即優與處分下資優與處分無資稍優與處

分其殊功第一等上資加一階優與處分應入

三品五品減四考次資優與處分下資稍優與

處分無資放選殊功第二等上資優與處分

次資稍優與處分下資放選無資常勲外加

三轉殊功第三等上資稍優與處分次資放

選下資應簡日放選無資常勲外加兩轉若

破國王

王當作全

勝事愈

愈疑當作踰

當

常格或斬將塞

旗功效尤異雖不合格並委軍將臨時錄奏皆審其實而授叙焉

員外郎一人掌選院謂之南曹每歲選入

批旧唐志

入當作人有解狀簿書資歷考課必由之以覈其實

乃上三銓進甲則署焉

職方郎中一人從五品上

周礼下官

下當作夏

有職方氏中大夫之職掌天

下之地畧主四方之職貢職方郎中之任也

後周依周官隋開皇初始置職方侍郎一人

煬帝曰職方郎武德三年加中字至龍朔二

年改為司城大夫咸亨元年復故

員外郎一人從六品上

周礼夏官有職方上士後周依周官隋開皇

六年置員外郎一人煬帝改曰承務郎皇朝

為職方員外郎龍朔咸亨並隨曹改復

主事二人從九品上

職方郎中員外郎掌天下之地圖及城隍鎮戍

烽候舊唐志候作堠下同之數辨其邦國都鄙之遠邇太平

御覽引六及四夷之歸化者凡地畧委州府三

年一造與板籍偕上省其外夷每有番客到京

委鴻臚訊其人本國山川風土為圖太平御覽引六典為

修以奏太平御覽引六典奏作進焉副上於省其五方之區

城都鄙之廢置疆場之爭訟者舉而正之凡天

下之上鎮二十中鎮九十下鎮一百三十有五

上戍十有一中戍八十有六下戍二百三舊唐志三

作四十有五凡烽候所置大率相去三十里

若有山岡隔絕須逐便安置得相望見不必

要限三十里

其逼邊境者築城以置之每烽置帥一人副一

人

其放烽有一炬二炬三炬四炬者隨賊多少



而為差焉舊關內京畿河東河北皆置烽開

元二十五年敕以邊隅無事寰宇又安

又當作又

內地置烽誠為非要量停近甸烽二百六十

所計烽帥等一千三百八十八人

凡州縣城門及倉庫門須守當者取中男及殘

疾人均為番第以克而免其徭賦焉十里

若修理廨宇及園廚亦聽量使

二百三

駕部郎中一人從五品上

百三十

周禮夏官屬有輿司馬之職蓋駕部之任也

魏氏始置駕部郎曹歷晉宋齊後魏北齊並

為駕部郎中梁陳為駕部侍郎後周夏官府

有駕部中大夫一人隋文帝改為駕部侍郎

煬帝曰駕部郎宋齊左民尚書領駕部梁陳

左民部尚書領駕部後魏北齊殿中尚書領

駕部隋則兵部領焉皇朝因之武德三年加

中守龍朔二年改曰司輿大夫咸亨元年復

故

員外郎一人從六品上

周禮夏官卿有輿司馬上士後周夏官府小

駕部上士一人蓋駕部員外郎之任也隋開

元元當六年置煬帝改曰承務郎皇朝為駕

部員外郎龍朔咸亨並隨曹改復

主事三人從九品上

駕部郎中員外郎掌邦國之輿輦車乘及天下

之傳驛廩牧官私馬牛雜畜之簿籍辨其出入

關逸之政令司其名數凡三十里一驛天下凡

一千六百三十有九所

二百六十所水驛一千二百九十七所陸驛

八十六所水陸相兼若地勢險阻及須依水

草不必三十里每驛皆置驛長一人量驛之

閑要以定其馬數都亭七十五足諸道之第

一等減都亭之十五第二第三皆以十五為

差第四減十二第五減六第六減四其馬官  
 給有山阪險峻之處及江南嶺南暑濕不宜  
 大馬處兼置蜀馬凡水驛亦量事閑要以置  
 船事繁者每驛四隻閑者三隻更閑者二隻  
 凡馬三名名當給丁一人船一給丁三人凡  
 驛皆給錢以資之什物並皆為市凡乘驛者  
 在京於門下給券在外於留守及諸軍州給  
 券若乘驛經留守及五軍都督府過者長官

押署若不應給者隨即停之

而監牧六十有五焉皆分使而統之

南使十五監西使十六監北使七監東使九

監鹽州使八監嵐州使三監則廩牧及諸司

馬牛雜畜各隸於籍帳以時受而藏之

若畜養之宜孳生之數皆載於太僕之職凡諸

衛有承直之馬

諸衛每日置承直馬八十匹以備雜使諸衛

官諸州府馬每月常差赴京都為承直諸府常備其數甚多開元二十五年敕以為天下無事勞費頗煩宜隨京都近便量留三千匹充扈從及街使乘直餘一切並停

凡諸司有備運之車

舊唐志車作牛

諸司皆置車牛以備遞運之事司農等車一千二十一乘將作監三百四十五乘殿中省尚乘局一百乘少府監六十三乘太常寺一

十四乘國子監二十乘太僕寺一十乘光祿寺二十乘衛尉寺十乘太府寺六乘左右衛各二乘左右驍衛各一乘左右武衛各一乘左右威衛各一乘左右領軍衛各一乘左右金吾衛各一乘左右監門衛各二乘左右羽林軍各三乘家令寺一百八十乘左右僕寺二十六乘左右衛率府各一乘牛皆倍之其過倍者則充營田不足者則單駕開元二十

二年敕量減六百餘頭乘

皆審其制以定數焉

庫部郎中一人從五品上

周禮夏官有司甲下大夫為司戈盾弓矢之長各辨其物以待軍事今庫部郎中之任也魏氏始置庫部郎曹歷晉宋齊後魏北齊並有庫部郎中梁陳為侍郎後周夏官府有武藏中大夫一人隋文帝為庫部侍郎煬帝曰

庫部郎宋齊梁陳並都官尚書領庫部後魏北齊度支尚書領隋則兵部尚書領焉武德三年加中字龍朔二年改為司庫大夫咸亨元年復故員外郎一人從六品上

周禮夏官卿有司兵中士後周有小武藏下大夫一人蓋今庫部員外郎之任也隋開皇六年置煬帝改曰承務郎皇朝為庫部員外

郎龍朔咸亨隨曹改復

主事二人從九品上

庫部郎中員外郎掌邦國軍州之戎器儀仗及

舊唐志冬至元正之陳設并祠祭喪葬之羽儀

諸軍州之甲仗皆辨其出入之數量其繕造之

功以分給焉太平御覽引六典曰庫部郎中員

外郎掌邦國軍州戎器儀仗為元

正冬至陳設并祠祭喪葬所供之物皆辨其出

入之數量其繕造之功以分給焉今六典文頗

有異同

因抽出

大唐六典尚書兵部卷第五

補考

皆置五兵尚書通典後魏為七兵○陳品第一

隋志陳驃騎擬官品第一比秩中二千石 ○陳品第四隋志陳雲麾擬官品第四 ○陳品第四隋志陳冠軍擬官品第四

中二 ○陳品第四隋志陳雲麾擬官品第四 ○陳品第四隋志陳忠

武擬官 ○陳品第六隋志陳壯武擬官 ○游騎

將軍陳秩二千石隋志陳游騎秩千石 ○諸衛之翊衛唐

志作諸衛之翊府 ○臨洮河源白水安人積石莫門振

武七軍平夷五門富耳藍州平式綏和五守捉

使通鑑作臨洮河源白水安人振威威戎漠門

○天下凡舊唐志天下下有驛字



